



1982

B L O O S E R

E

N

I

H

G

S



Helge:  
Larveteller  
Charivari

M

A

G

G

I

S



**Dr Whisky empfiihlt**



Fir am Sunntig zoobe:  
Ych kaa nimm hogge, nimm liige, nimm stoo,  
3 Ricard hann ych biraid s scho gnoo,  
als Hauptgang brobier ych e Rippli mit Süürkryt  
mit Riesling spiel ych, s nitzt aber nyt,  
ych kaa my Ranze doch jetz nit vollschloo  
am vieri muess ych am Rimmeli stoo  
e Kueche zem Dessert bruchi ych e kaine  
Derfir e Kaffi jätter und no aine und no aine...

**Dr Kentucky empfiihlt**



Am Mäntig zem Zmoorge:  
Am Mäntig demoorge frieh,  
hesch mit ässe die greeschti Mieh  
drumm nimm e Böörben oder zwai  
wenns richte kasch, nit ganz elai

**Dr Schammi empfiihlt**



Am Mäntig zem Znacht:  
Bim Steggli wird zem Apéro  
zerscht e halbe Wysse gnoo,  
denn haue mers ins Stammlokal  
und ässe gmietlig, ganz feudal.

**Dr Bämsel empfiihlt**



Am Zyschtig zem Zmoorge:  
Am Zyschtig demoorge  
hett mängge scho Soorge  
s' erscht Fieber isch umme,  
dr Schädel duet brumme,  
jetz e Rieblisafft! – ojeeh  
dää gitt schuurig Kraft! olé  
derzue e Spiegelai mit Spägg  
und Dyni Soorge sinn ewägg.

**Dr Birsig empfiihlt**




Am Zyschtig zem Znacht:  
Am Zyschtig zoobe mit all dääne Gugge,  
hann ych biraid s die erschti Lugge,  
die muesch loo fille, daas isch klaar  
am beschte in dr näggschte Bar,  
dernoo vyyl Gmiess, denn daas isch gsund  
und alles lauft denn wider rund  
mit däm Menu – kasch sicher sy,  
bisich am Oobe no voll derbyy.

**D Crèmeschnitte empfiihlt**



Firs Mittwoch-Moorge Ändspuurt-Zmoorge:  
Ych haa no immer s Goschdym aa,  
statt s' lang ersehnte Pijama;  
nach däm Saugrach vo geschtert znacht  
hann ych wider kai Aug zue gmacht;  
geege my bleede dumme Stai  
bruuch ych e Bouillon mit hartem Ai.

**Dr Spärber empfiihlt**



Am Mittwoch zem Znacht:  
Bivoor ych wider Spriich due glopfe  
suff ych zerscht e Bächer Hopfe.  
Dernooote, Lääberli mit Reeschti  
fir dr Bebbi isch daas s greeschti;  
mit eme feyne Dreier Roote  
wird mer au die Nacht no groote.

**Dr Wimmeli empfiihlt**



Fir am Donnchtig zem Zmoorge:  
Nach drei Daag langem ummelaufe  
nach gässle, gniesse, intrigiere,  
Maag ych miir gaar kai Zmoorge kaufe  
dr Maage wuurd sunscht rebelliere  
ich nimm am Moorge am zähni denne  
e Schlummerbächer oder zwai  
denn ka au ych ganz heerlig penne  
mit samt em Goschdym und elai.(za)